

Headline	FAMA sedia bantu pesawah		
MediaTitle	Sinar Harian (Utara)		
Date	13 Jun 2019	Color	Full Color
Section	NEWS	Circulation	40,000
Page No	19	Readership	120,000
Language	Malay	ArticleSize	382 cm <sup>2</sup>
Journalist	NURUL HIDAYAH HAMID	AdValue	RM 4,116
Frequency	Daily	PR Value	RM 12,348



# FAMA sedia bantu pesawah

*Beri bimbingan untuk tingkatkan pendapatan mereka*

NURUL HIDAYAH HAMID

ALOR SETAR

**L**embaga Pemasaran Pertanian Persekutuan (FAMA) bersedia membantu memberi bimbingan kepada pesawah untuk meningkatkan pendapatan mereka dan keluar dari kemiskinan.

Ketua Pengarah FAMA, Datuk Ahmad Is-hak berkata, pihaknya menyambut baik cadangan Perdana Menteri, Tun Dr Mahathir Mohamad supaya golongan berkenaan memperbaharui cara tanaman dan membabitkan



Ahmad memberi ucapan kepada kakitangan FAMA Kedah pada Majlis Sambutan Hari Raya Aidilfitri di Pejabat FAMA Kedah semalam.

diri dalam tanaman kontan.

Ahmad berkata, cadangan pesawah mempelbagaikan tanaman dilihat dapat membantu mereka meningkatkan pendapatan, sekaligus mengurangkan kebergantungan terhadap hasil padi semata-mata.

"Malah, saranan berkenaan dilihat mampu me-

nyediakan bekalan segar pada harga berpatutan, mengurangkan jumlah import dari luar negara, sekaligus menjamin keselamatan bekalan makanan negara.

"Untuk itu, kita bersedia memberi bimbingan dan memberi maklumat berkaitan diperlukan mereka berdasarkan kajian

jumlah permintaan dilaksanakan FAMA," katanya pada sidang media selepas Majlis Sambutan Hari Raya Aidilfitri di Pejabat FAMA Kedah di sini semalam.

Turut hadir, Pengarah FAMA Kedah, Anuar Mohamed.

Ahmad berkata, pihak boleh memberi maklumat dan cadangan kepada pe-

sawah berhubung jenis tanaman dan tanah bersesuaian untuk diusahakan mereka, selain bantuan pemasaran.

"Antara beberapa jenis tanaman jenis jangka pendek yang boleh disyorkan kepada pesawah untuk diusahakan, ialah tembikai, jagung manis dan cili," katanya.

## info

**Perdana Menteri mencadangkan pesawah memperbaharui cara tanaman, babitkan diri dalam tanaman kontan**

Menurut beliau, pesawah juga boleh memanfaatkan aneka kemudahan di bawah FAMA, seperti 334 pusat jualan untuk tujuan pemasaran hasil tanaman mereka.

"Antara lain, pusat pengumpulan tanaman, tempat penyimpanan, pengangkutan dan pemrosesan boleh dimanfaatkan apabila menyahut seruan itu," katanya.

Kelmarin, Dr Mahathir memberitahu, kerajaan mengenal pasti beberapa langkah untuk menangani kemiskinan golongan pesawah dengan kaedah pertanian moden.